



RESUMO NORMAS PROTOCOLO COVID

Versión 31-08-2020

PRINCIPIOS SANITARIOS BÁSICOS:

1. Para a detección precoz no alumnado, da infección provocada polo COVID-19, os pais/nais/titores/as legais realizarán unha auto-avaliación dos síntomas de forma diaria a fin de comprobar se estes son compatibles cunha infección por SARS-CoV-2 cuxos resultados non teñen que enviarse ao centro, pero si comunicar a ausencia. Utilizarase a enquisa clínico-epidemiolóxica que debe realizarse, cada mañá, antes da chegada ao centro. (Adxuntase ao final)
2. Diante da aparición de polo menos un dos síntomas que aparece na enquisa os proxenitores ou titores non enviarán ao alumno/a á clase e solicitarán consulta co seu médico ou pediatra.
3. No suposto de alumnado que poida ter a condición de vulnerable como consecuencia de patoloxías (agudas ou crónicas) que provoquen dependencia os criterios sanitarios que rexerán asistencia a clase ou, de ser o caso, a escolarización domiciliaria serán os que recomende médico ou pediatra.

COMUNICACIÓNS OBRIGATORIAS DE SINTOMATOLOXÍA OU DE CONFIRMACIÓN

1. No caso de que se **detectase sintomatoloxía compatible na casa**, o alumnado **non acudirá** ao centro e **a súa familia contactará inmediatamente co centro de saúde de referencia** do alumno/a e **con algunha das persoas membros do equipo COVID do colexio**.
2. Para a **xustificación da ausencia**, non será necesaria ningún xustificante médico, abondará co comprobante dos/as pais/nais ou titores/as legais. As ausencias derivadas desta causa terán a consideración de xustificadas aos efectos do protocolo de prevención de absentismo escolar.
3. **O alumnado con calquera sintomatoloxía aguda non pode acceder ao centro educativo.**
4. A **medición de temperatura** ou a avaliación doutros síntomas compatibles coa COVID-19 **será realizada no seo da familia de forma diaria antes de acudir pola mañá ao centro** escolar.
5. Ante a **detección de síntomas** compatibles con infección por SARS-CoV-2 nun alumno/a, **durante a estancia no centro** ou á chegada ao mesmo, contactarase coa súa familia ou persoa de referencia que deberá presentarse no centro á maior brevidade. Unha persoa da familia solicitará consulta telefónica co seu pediatra ou o seu facultativo que valorará a consulta presencial e a solicitude dunha proba diagnóstica.
6. Habilitarase, dende o inicio do curso, un espazo específico de uso individual no centro para illar a aquelas persoas nas que se detecten síntomas mentres non se xestiona o seu traslado.
7. Se **algunha persoa do núcleo familiar é sospeitosa de padecer a COVID-19, o alumnado que convivan con elas non poderán acudir ao centro ata que se coñeza o resultado da proba e sexa negativo**. A persoa afectada ou a súa familia comunicarán o resultado á persoa coordinadora COVID do centro.

Para os efectos do protocolo para a prevención e control do absentismo escolar e do número máximo de faltas de asistencia permitidas, as ausencias comunicadas derivadas da aplicación das anteriores medidas consideraranse sempre xustificadas, non sendo preciso o xustificante do facultativo para a súa acreditación



MEDIDAS XERAIS DE PROTECCIÓN INDIVIDUAL

1. De forma xeral, manterase unha distancia interpersonal de polo menos 1,5 metros nas interaccións entre as persoas no centro educativo.
2. En educación infantil e na educación primaria, a organización do alumnado establecerase, con carácter xeral, en grupos de convivencia estable, en cuxo ámbito non se aplicarán criterios de limitación de distancia. Procurarase garantir a estanqueidade do grupo de convivencia estable en todas as actividades que se realicen dentro do centro educativo.
3. O **uso da máscara será obrigatorio** a partir dos 6 anos de idade con independencia do mantemento da distancia interpersonal, sen prexuízo das exencións previstas no ordenamento xurídico, e recoméndase o seu uso para o alumnado de educación Infantil, sempre que exista boa tolerancia.
4. O alumnado (a partir do nivel de infantil) e todo o persoal, teñen a **obriga de usar máscaras durante toda a xornada lectiva en todos os espazos do centro educativo**, aínda que se cumpra coa distancia de seguridade. **Será obriga do alumnado levar unha segunda máscara de recambio, así como un estoxo específico para gardala en caso necesario**, como por exemplo durante as merendas ou no comedor debidamente identificado.

A obrigación contida no apartado anterior non será esixible para as persoas que presenten algún tipo de enfermidade ou dificultade respiratoria que poida verse agravada polo uso da máscara ou que, pola súa situación de discapacidade ou dependencia, non dispoñan de autonomía para quitarse a máscara, ou ben presenten alteracións de conduta que fagan inviable a súa utilización. A imposibilidade do uso da máscara **deberá ser acreditada polo pediatra ou facultativo do alumno/a** ou da persoa obrigada.

5. Debemos **ensinar aos nenos/as a usar de maneira correcta as mascarillas:**

- Sempre que poñan unha máscara teñen que hixienizar antes as mans con desinfectante ou con auga e xabón.
 - Ao colocar a máscara verificar que non quede ningún espazo entre a cara e a máscara.
 - Evitar tocar a mascarilla cando se estea utilizando, si se fai volver a lavar as mans con desinfectante ou auga e xabón.
 - Débese cambiar a máscara en canto estea húmida e non reutilizala si é de un so uso.
 - Para quitar a máscara hai que facelo pola parte traseira (polas gomas) e non tocar nunca a parte dianteira. Desbotala inmediatamente e volver a hixienizar as mans.
6. E importante ter en conta a duración das máscaras, a necesidade de lavado, no caso de que sexan reutilizables e gardala de maneira nunha bolsa limpa ou estoxo durante períodos breves de non uso
 7. Evitar tocar os ollos, o nariz e a boca.
 8. Hixiene de mans: lavado frecuente, e meticuloso das mans con auga e xabón, durante polo menos 40 segundos, ou con xel hidroalcohólico, durante polo menos 20 segundos, no seu defecto. Cando as mans estean visiblemente sucias debe utilizarse auga e xabón. O lavado realizarase cando menos 5 veces ao longo da xornada, particularmente na entrada e saída ao centro, antes e despois do recreo, antes e despois de comer e sempre despois de ir ao aseo.
 9. Hixiene correcta de mans cada vez que se use material compartido.
 10. Ventilación dos espazos para evitar a transmisibilidade.



11. Á entrada e saída do centro, esixencia a todas as persoas (persoal do centro, familias e visitantes) da realización da hixiene de mans
12. Ao tusir ou esberrar, tapar a boca e o nariz cun pano de papel que se desbotará nunha papeleira con tapa, ou ben facelo contra a flexura do cóbado e sempre aloxándose do resto das persoas.
13. Realizar hixiene de mans frecuentemente, sobre todo despois de tocar secrecións respiratorias (esberrar, tusir, uso de panos) e/ou obxectos con posibilidade de estar contaminados, así como antes e despois de comer, usar os aseos ou tocar material susceptible de ser compartido.
14. O alumnado **non compartirá material de uso propio con ningún dos seus/súas compañeiros/as.**
15. Nas aulas ou no propio pupitre deberá existir un espazo diferenciado para o material de cada alumno de xeito que non permita ser manipulado por outros compañeiros.

MEDIDAS XERAIS DE PROTECCIÓN COLECTIVA

1. O uso da máscara por todo o alumnado, persoal do centro e outras persoas que accedan ao centro educativo é a medida básica de protección individual e colectiva.
2. Diante dun suposto no que un alumno/a do que se sospeita que comeza a desenvolver síntomas compatibles con COVID-19 no centro educativo actuarase da seguinte maneira:
 - a. Levarase a un espazo separado de uso individual.
 - b. Colocaráselle unha máscara cirúrxica.
 - c. Contactarase coa familia.
3. O seu pai/nai/titor legal deberá chamar ao seu centro de saúde de Atención Primaria para solicitar consulta, ou ao teléfono de referencia do SERGAS e seguiranse as súas instrucións. En caso de presentar síntomas de gravidade ou dificultade respiratoria chamarase ao 061.
4. No suposto da **aparición dun caso, ou dunha sospeita**, de coronavirus **A familia** dun neno ou nena con sospeita de contaxio, **deberá solicitar unha consulta telefónica co seu pediatra** para que este avalíe a necesidade de solicitude dunha proba diagnóstica.
5. Tras a aparición dun caso confirmado da Covid 19 seguiranse as instrucións da Autoridade Sanitaria

REGULACIÓN DE CIRCULACIÓNS E DE ENTRADAS E SAÍDAS

1. Habilitaranse **diferentes entradas** para o alumnado das diferentes etapas educativas: infantil e primaria e estableceranse quendas de entrada e saída distanciadas no tempo.
2. No nivel de **ensino infantil** o alumnado poderá chegar ao centro **acompañado dun familiar** e agardar nun espazo diferenciado para a entrada a aula. Os acompañantes deberán usar máscara.
3. Fóra do suposto anterior, con carácter xeral, e salvo razóns xustificadas ou relacionadas con procesos administrativos, ou cando a presenza sexa requirida polo propio centro, **non se permite a entrada dos proxenitores no centro educativo.** O centro establecerá horarios específicos para a atención das familias non coincidentes con horarios de entrada e saída nin con intercambios de clase ou recreos.

Non se permite que o alumnado na saída quede formando agrupacións nos patios ou que xogue nos mesmos, polo que se regularán assaídas directamente ao exterior do recinto.



ANEXO I. ENQUISA DE AUTOAVALIACIÓN CLÍNICA DO COVID-19

Esta enquisa pretende ser útil para que a comunidade educativa poida identificar síntomas clínicos d sospeita de ter infección por coronavirus. De presentar calquera destes síntomas solicite consulta no se centro de saúde.

Presentou nas últimas 2 semanas?		SI	NON
Síntomas respiratorios	Febre maior de 37,5°C		
	Tose seca		
	Dificultade respiratoria		
Outros síntomas	Fatiga severa (cansazo)		
	Dor muscular		
	Falta de olfacto		
	Falta de gusto		
	Diarrea		

Ten actualmente algún dos síntomas? Sinalar cales e cando comezaron.

		SI	NON
CONVIVIU nas últimas 2 semanas?	cunha persoa COVID-19 + confirmado?		
	cunha persoa en illamento por sospeita de infección pola COVID-19?		